

27
Conjugibus novis,

iisq;

*Piis, Honestis, nec magis ævo,
quàm Virtute florentibus,*

Juveni-Viro

Doctissimo, Ornatisimoq;

DN. JOHANNI Baudemant/

Magnifico, Amplissimo, Nobilissimoq;

Senatui Vratislaviensi

ab Expeditionibus Can-
cellariæ,

SPONSO:

et Honestissima, Pudicissima, Lectissimaq; Virgini,

CATHARINÆ,

Viri Præstantissimi, Consultissimiq;

Dn. PAULI NEANDRI,

Advocatiæ Vratislav. Præ-
fecti Laudatissimi,

Filiæ Dilectissime,

SPONSÆ,

a. d. 6. Non. Octobres, Ann. clæ Ibc XLVI.

legitimo matrimonii nexu copulandis,
non minùs nuptialem hunc honorem ac lætitiã

candidè gratulantium,
quã felicissima quæq;

ex animi sententia

optantium pariter & precantium;

Affinium, Amicorumq;

CARMINA EPITHALAMIA.

Ibi exscripsit GEORGIUS BAUMANNUS.

DR. JOHANNI BERNHARDI

M. Magister, Amplius, Nobilissimus,
Socius Vindobonensis
et Mathematicus Can-

1702



1018370

1018370

et Socius Vindobonensis
et Mathematicus Can-

CAROLUS FERDINANDUS

Imperatoris et Regis Bohemae

JANUS BAUDEMAN & CATHARINA NEANDRIA,
Sponsi,
Accedunt aras, Magne JEHOVA, tuas,
Ut conjugantur divinâ voce Ministri,
Et consecrentur Conjugii statui,
Quin & Mysta sacer, super ipsos, pæctore fido,
Devotus fundat vota precesq; piâs,
Quò fluat, in thalamos, Benedictio dives, eorum,
Et gratâ vireat fertilitate Domus.
Nobile Par hoc in Divam, comitarier Ædem
Mens fuit, & votis jungere vota precum:
Sed certâ ratione, domi mansisse, necessum;
Nec tamen à Festo hoc prorsus abesse velim.
Scilicet Hospitibus pia vota ferentibus addo
COR, isthæc plenâ serietate vovens:
Autôr, JHOVA, Tori princeps, & Maxime Fautor,
Clementis latè climata pande poli,
In thalamos & BAUDMANNI largissimus infer
Omnigenas vegetæ prosperitatis opes,
QVAS charus SPONSI Genitor, chariq; Parentes
SPONSÆ, de patrio corde precantur eis!
Gaudebit sic Pace DOMUS, COR Amore, Salute
MEMBRA, Fide MENS, & Prole virente TORUS,

ANDREAS ECCARDUS


Pastor Namslaviensis,

Nemo

Nemo aequè properus toto comparuit anno,
Edicto Soceri, Sponse, citante reos;
Ac vocitatus EGO, charâ cum conjugè vellem
Spectari Gamico pars quotacumq; Sacro.
Velle nihil prodest, cum non sufflaminet una
Utrumq; , & jubeat, causa, manere domi.
Et maneamus, ita, ut vel vota absentia cælo,
Juxta ea, quæ præsens fuderit Hospes, cant.
Nempe meus paries resonare docebitur antè,
Quàm pia, pro Vestrà, pòcla, salute, bibam :
Et Baudemanno DEUS, & largire Neandræ,
Fortitèr usq; novos ædificare VIROS.

*Breve sed serium votum,
testandi affectus causâ,
deproperabat*

PAUL-CHRISTOPHORUS LINDNER.



Anagr.

JOANNES BAUDEMANNUS
EN MUSA, EN DIANA BONUS.

EN MUSA BONUS, EN bonus es, Neonymphe, DIANA:
Artem ea dat, Sponsam atq; hæc tibi persequitur.

Chronodistichon Votivum.

IanVs BaVD MannVs, Catharina NoVoVira, grato
sponsI, opto, VIgeant atq; Ve toro Vireant !


Ad Sponsæ Parentem
Amicum intimum.

Ordo sacer primi, cata Juridicina secundi,
Et dedit, & Generi dat tibi, PAULE, decus.
Lege,

Lege, *Facultatum* si cætera nomina, tali,
Et porro fuerint visa favere tibi;
Quid restat, nisi quæ nunc annis junior, olim
Ut medico nubat tertia Nata Viro:
Et Tibi quarta etiam nascatur Filia, possis
(Seriùs hoc quamvis) ut Socer esse *Sophi*.

Tuz Filia, Maritoq, Ipsius,
quibus jam tempus est
fortunatos infelicesvè fieri,
conjugium hoc bonum faustumq; evenire,
corde cupiens, scribeb.

M. ELIAS MAJOR P. L. C.
Gymnasii Vratislaviensis Elisabetani
Rector & Profesor, cæterarumq;
ibidem Scholarum Inspector.



JOHANNES BAUDEMANNUS
per Anagrammatismum:
NON VADIS, NAVEM HABES.

*
CATHARINA NEUMANNIA
per Anagrammatismum:
AH MANNA VENIT CARINA.
Enodatio.


Per tumidum veluti pedibus non vadimus æquor;
Sed Navibus tunc utimur, ceu curribus:
Hac ratione potest nemo benè vivere vitam,
Ni Navie se muniverit lectissimã;
Hoc est, ni Sociam vita quæsiverit, undis
Incommodorum volvitur quàm plurimis.

Nam si fortè tonat sævis fortuna procellis,
 Virumq; cingunt cura, morbus & dolor,
 Ægro qui possit, non est, præstare juvamen,
 In fluctibus relinquitur strepentibus.
 Qui verò lepidâ cum Conjuge transigit ævum,
 Hanc Navis instar esse certò comperit,
 Ipse Davidiades, quò non sapientior ullus, PROV. 31. v. 14.
 Navi probatam comparavit Conjugem.
 Ut largitur opes ventis famulantibus acta
 Mercesq; Navis advehit pulcherrimas:
 Commoda sic præstat, millenaq; præmia confert
 Uxor fidelis, & DEUM quæ diligit.
 Hæc operâ cellam ditat, vacuamq; culinam,
 Est occupata maximè negotiis.
 Turbida si vexent interdum fata Maritum
 Amplectitur suis eum lacertulis,
 Alloquioq; piò reficit, solatia menti
 Infundit, & monet suâ prudentiâ,
 Subvenit, assistit, vigilat, vigilando ministrat.
 Uxor Smaragdis præferenda splendidis.
 Hinc fortunatum Te judico, terq; beatum,
 O BAUDEMANNE, Ad finis optatissime;
 Per vada NON VADIS curarum scrupea, NAVEM
 Ejusmodi jam nunc habes ditissimam.
 Nempè Tibi CATHARINA datur, purissima Virgo,
 Ut sit per omne tempus adjutorium.
 Hæc adportabit magnò cum fœnore gazas,
 Virtutibus recreabit & Te vividis.

Omnes propterea tecum letamur Amici,
 Et gratulamur ore, corde, carmine.
 Dicimus: *A*H tua *M*ANNA VENIT, dulcissima Manna,
 Venit *C*ARINA, Nave Virginea venit!
 Noctes atq; dies hæc Te saturabit amore.
 O fiat! ó pereant amaritudines!
 Ipse licet cunctos reseratis Æolus antris
 Emittat Austros, & furentes Africos,
 Tu tamen hæc, ó chare *D*EUS, servato Carinam,
 Ne fluctibus prematur adversantibus;
 Et nostro largire manu tot gaudia Sponso,
 Arenulas quot habet mare, quot & guttulas?
 Tandem cum Navi *C*ATHARINA, suscipe fessum
 In cœlicum portum, pii quò tendimus!

Scriptum faustæ gratulationis
 benevolentix & amoris ergò
 à

M. ABRAHAM ECCARDO.
 Diac. Namslav.



Würtembergiaci rata dum connubia *S*ILVI,
 Celsæq; *M*ünsterbergicæ *V*iraginis,
 Illustri scriptor Domui devotus utriq;
 Stilo pedestri ferre conor ad polum;
 Me petis officium par in tua Vota, vel olim
*M*ibi *B*AUDEMANNE disciplinâ cognite.
 Qualis Principibus grator de compare sorte,
 Et de salute mutuâ, & patrii soli:

Talis

Talis privatis benè grator mente jugandis
Æqualitatis præstitutum terminum.,
Alter in alterius ruit, & ruit altera in ulnas;
Uterq; sanguine erudito prodiens.
Indole nativâ pariles, vitæq; tenore,
Transitis in simillimum Vobis genus.
Quod voveo Patriæ gratanti voce *Dynastis*,
Ut ex novellis Candidatis Conjugi.
Münsterbergiæ Domui plantaria primum,
Dein fulcra nostræ pullulent provinciæ:
Apprecor id vobis, pro censûs sorte minori,
O Candidati Liberales Conjugi;
Ut vestro veniant generi longo ordine nati,
Bonas ad artes aut togæ, aut dociles sagi.
CAROLUS ut FRIDERICUS ad hæc nova nuncia plau-
Ex filiâ quòd unicâ natus nepos: (det,
Imò tota suo sopita Silesia luctu
Orto recenti sidere attollet caput.
Sic *Socer* ille tuus *Judex Themidosq;* patronus
Sub vesperascens lucis hoc crepusculum.,
In tacito secum gremio lætabitur olim.,
Viso nepote plurimo, spe sua domus.

Præcipiti quidem calamo
amico tamen animo fudit
CHRISTOPH. COLERUS.

BAUDEMANNE, politior Themistos,
Et Phæbi genuina jure Proles;

Tuq;

Tuq; largâ Aretès beata dote ,
Baldo Jura peritiùs perito
Docti, Filia congener NEANDRI,
Flexidextra Polymniæ Propages,
Quis parcat benè-prorsus ominatis ,
Inter vestra Hymenæa Festa , Verbis ?

Omen Nomina continent secundum,
Et cognomina , quando pensitantur.

TE suis Manibus polire jus sæ
Gratiæ , voluere gratiosum
Dici primitus , & per omne tempus
Vitæ flexilis *Esse* gratiosum.

Gratiam CATHARIS meretur omnem ,
Quæ Nomen Catharis , suave Nomen ,
Dignâ Virgine Puritate Cordis ,
Constanti studio studet tueri.

Qualis cum CATHARIS TIBI jugatur ,
Annon Gratia Gratiæ jugatur ?
Annon omine præmonente , Fatis
Vos dicam melioribus jugari ?

Nec Cognomina pensitata fallent
Promptos ominibus juvare vestras ,
Juxta Vota Patrum parata , Tædas.

Quæ NEANDRIA dicitur , resignans
Hoc Nomen TIBI , conjugata gaudet ,
TE quod Sponsa facit *Novum Maritum*.

Sed Tuum SIBI vendicare Nomen
Lata , non renuet deinde dici

BAUDEMANNIA, Nempè *Se Tabernam*
Dilecti profitebitur *Mariti*,
In quâ veneat, ut lubet liceri,
Casti non temerata *Merx Amoris*.

Mutuos igitur volunt *Amores*
Vos Cognomina; *Gratiamq;* multam,
Spondent Nomina, quâ *DEO* placere,
Positisq; *HOMINUM* placere *GENTI*,
CONJUGES, quibus expleatur omne
Votum *Conjugii* beatioris.

Vobis illud ut expleatur omne
Votum *Conjugii* beatioris,
Comprecor, benè-prorsus ominatis,
Inter vestra *Hymenæa* Festa, *Verbis!*

Vestra Festivitati
optimè cupiens

M. VALENT. KLEINWECHTERUS.


*P*rolixiore non licet nunc ambitu
Referre, tædis quæ tuis paraveram,
Collega amice; Sed velut breves preces
Persæpe calitexta penetrant fortius,
Quàm longiùs deducta verborum mora:
Sic fida voti serii compendia,
Suppliciaq; imis pectoris recessibus
Repetita, testabuntur hunc animum satis,

Tibi

Tibi Tuæq̄ cuncta Cælum depluat,
Quæcunq̄ bona sunt, quæq̄ vos precamini:
Thalamum beata Pax coronet, & recens
Proles subindè numeret annos Conjug I!

Exoptatissimo Collegæ
ita gratulab.

MATTHIAS MACHNERUS,
Reipubl. VratisL. ab expedi-
tionibus Latinis, & in Judi-
ciis Ecclesiastico ac Orpha-
nor. Notarius.



Inter gratantes ne solus Asymbolus essem,
BAUDMANNE, ingenio vix obiture meo.
Ecce Thaleia Tibi pepigit tria disticha SPONSO,
Gratâ, si lectu digna, capesse manu.


* * *

Si qua TABERNA VIRI sit tutum Uxoris Asylon.,
PURA VIRI, contrâ, si CATHARINA, DOMUS.
Omne non meliore, puto, Vos CORCULA, jungi
Posse, nec & meliùs Nominis Orsa dari.
Ergo DOMUM benè Sponse regas, gere Sponsa TABER-
Sic reget Uxorem Vir, geret illa Virum. (NAM;

Bona scève E.

gratulabundus F.

JOAN. HENR. CUNRADUS.



Herr Vater seyd gegrüß; Fraw Mutter gute Nacht!
Ich muß numehr von euch / Hertzliebste Eltern /
Scheiden /

Und sol die strenge Krafft der rechten Liebe leiden /
Weil es des Höchsten Rath und Ordnung also macht.

Doch weil numehr ihr mich und ich euch lassen muß /
So sag' ich billich danck: daß ihr / nechst Gott / das Leben
Mit Zucht und Erbarkeit mir hertzlich habt gegeben.
Euch sey dafür der Danck mit diesem treuen Kuß.

Mein Schatz nimme mich nun an mit hertzlichem
verlangen /

Und wil aus rechter Treu inbrünstig mich umbfangen.

Ich folg' ihm willig nach zu stillen seine Pein /
Zu lindern seine noch / und grosse Liebes-Schmertzten;
Die er so sehnlich trägt; Verspreche seinem Hertzten
Beständig und getrew biß in das Grab zu seyn.

Aus sonderbarer guter
Freundschaft von

Daniel Wolffen
Juris Studioſo.



Nondum bis novies illuxit Cornibus Orbi
Phæbi Soror pulcherrima;
Nuberet Eccardo Soror ut mea maxima natu,
Et posceret Gamelion.

Nunc Catharina Soror sequitur socianda Marito,
De Baudemannorum fatu.

Quid

Quid faciam Frater? Gratandum duco Sorori
Etiam secundæ Nuptias.
Grator, & auspicio felici jungere dextras,
Compar jugandum comprecor.
Sit Sponsus, Themidos non ultima Gloria, Cajus;
Et Sponsa Caja sit domi!
Vivant felices vivendæ Tempora Vitæ!
Et Prole multâ gaudeant!
Donec inoffensos tandem saturosq; Dierum,
Ferat Jehova ad æthera.
Hæc precor ex animô: Votum confirmet Iöva,
Tædæ jugalis Conditor!


*Ita honoratis. Dn. Affini
gratulabundus apprecatur*

PAULUS NEANDER
Jun.

~~~~~  
Si Fonte Labra proluissem, Pegasus  
Quem fecit alato pede;  
Tuas studerem prosequi nunc Carmine  
Perquam venusto Nuptias,  
Præclare Baudemanne, Cultor Pallados,  
Divæ Themistis Gloria.  
Sed inficetum condo metrum, nescius  
Dulcedinis Poëticæ.  
Illam proindè Lubentiâ lubentior  
Doctis Poëtis destinans,

*Calentibus Pietate Numen cœlicum*  
*Colam precationibus:*  
*Opræpotens Orbis Jehova Conditor,*  
*Autor jugalis fœderis,*  
*Sereniore, quæso, Lumine aspice*  
*Par istud Igne fervidum,*  
*Amoris Igne; prosperisq; florida,*  
*Successibus sortis bea!*  
*Concede, Mentis casta quas nunc Cypria*  
*Castis adurit Ignibus,*  
*Disjungat ut nil hoc in Orbis orbitâ,*  
*Nisi sera Parcarum manus.*  
*Da, sit Torus sæcundus, instar Vitium,*  
*Uvas ferentum plurimas!*  
*Istud precor: precationes optimus*  
*Confirmet in cœlo Deus,*  
*Sponsisq; præstet, faustiore sidere,*  
*Faustas celebrent Nuptias!*

CHRISTOPHORUS LERCHIUS.



BAUDEMANNUS

per Anagr.

NUBE, DA MANUS.

**D**um, Neonymphe, paras socialia sacra subire,  
Huicq; novo vitæ generi gratantur Amici:  
Adjungit magnis tenuissima Musula votum;  
NUBE, precor, fidæ, pietatem NUBE colenti;

Utq;



Utq; sibi parilem promittere positamorem,  
Ipse MANUS Sponsæ DA veri signa caloris.


*Primum hoc Anagramma mihi factum,  
qualicumq; versu elaborabam*

JOHANNES DANIEL MAJOR  
Vratislav.

Quamvis me spacio Natura coërceat arcto,  
Ingenio Vires exiguasq; ferat.  
Ne tamen in Votis desit conatus Amici,  
Ut quæ pertenuis Musa valet, uoveam.  
Dextera quam Jovæ Tibi jungit Sponse, venustam  
Sponsam, & Te Sponsum jungit Amore pari,  
Adjungat Pacem, simul & felicibus adsit  
Auspiciis Vobis, Conjugiumq; beet.  
Et vos conjunctim, pia pectora, vivere faxit,  
Nec desint casti Pignora grata Thori!  
Sic opto, si quid votis placet addere majus,  
Fac rata per Te sint cætera JHOVA DEUS!

*Fausta acclamat. E.  
accelerabat*

CHRISTOPH. ECCARDUS  
Namsl. Sil.



THE UNIVERSITY OF CHICAGO

CHRISTOPHER SCHMIDT

1911